

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI SELASA, 27 OKTOBER 2015, PUKUL 10.00 PAGI

Bil. 43

PERTANYAAN-PERTANYAAN BAGI JAWAB LISAN

1. PR-1333-L69497
Dato' Sri Haji Abdul Azeez bin Abdul Rahim [Baling] minta **MENTERI KOMUNIKASI DAN MULTIMEDIA** menyatakan apakah usaha Kementerian dalam menambah baik sistem komunikasi terutamanya di kawasan luar bandar di mana banyak lagi kampung-kampung yang tidak mendapat rangkaian telekomunikasi dan akses internet seperti yang sepatutnya.
2. PR-1333-L69755
Tuan Charles Anthony Santiago [Klang] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan asas mengapa pemaju Melati Ehsan Holdings Bhd. diberikan tempoh tambahan untuk menyiapkan projek perumahan di Taman Melati Ehsan, Klang. Adakah Kerajaan bercadang untuk memberi penjelasan kepada pembeli-pembeli rumah di situ.
3. PR-1333-L71262
Dato' Seri Tiong King Sing [Bintulu] minta **MENTERI KERJA RAYA** menyatakan :-
 - (a) apakah perancangan Kementerian untuk menaik taraf atau meluaskan jalan raya yang sedia ada memandangkan jumlah kenderaan besar semakin bertambah ekoran perkembangan dan pembangunan pesat di kawasan Bintulu sebagai kawasan perindustrian berat; dan
 - (b) berapa jumlah jejambat (*flyover*) yang dirancang oleh pihak Kementerian dan akan dibina dalam pelaksanaan RMK-11 (2016-2020) terutamanya di kawasan Bintulu untuk meringankan masalah kesesakan lalu lintas di kawasan Bintulu.

4. PR-1333-L71078
Tuan V. Sivakumar [Batu Gajah] minta **MENTERI DALAM NEGERI** menyatakan jumlah kes yang ditangkap dan disiasat di bawah Akta Pencegahan Jenayah 1959 (POCA) sejak undang-undang itu dipinda pada tahun 2013. Nyatakan juga jenis-jenis jenayah berat yang telah disiasat di bawah akta ini dan tindakan-tindakan yang telah diambil.
5. PR-1333-L71111
Tuan Anuar bin Abd. Manap [Sekijang] minta **MENTERI PERTAHANAN** menyatakan :-
 - (a) apakah perancangan Kementerian Pertahanan dalam membantu persediaan para tentera yang bakal bersara minat dalam bidang pertanian memanfaatkan pertanian penggunaan tanah milik ATM terutama dalam Kawasan Sekijang; dan
 - (b) apakah ada sebarang bentuk bantuan atau geran disediakan untuk mereka yang berpotensi memajukan kawasan milik ATM ini melalui kerjasama NBOS antara Kementerian Pertanian dan Industri Asas Tani dan juga Kementerian Pertahanan.
6. PR-1333-L71405
Dato' Seri Abdul Hadi bin Awang [Marang] minta **PERDANA MENTERI** menyatakan apakah tindakan yang sudah dilakukan oleh Panel Jawatankuasa Tadbir Urus Indeks Syariah dalam mengukur tahap komitmen Kerajaan dalam 8 sektoral iaitu Perundangan, Pendidikan, Ekonomi, Budaya, Prasarana, Kesihatan, Politik dan Sosial.
7. PR-1333-L70857
Dato' Hasan bin Arifin [Rompin] minta **MENTERI PENGANGKUTAN** menyatakan status projek Singapore Kunming Rail Link (SKRL) iaitu pembinaan laluan kereta api sejauh 6,617.5 km yang menyambungkan 8 buah negara iaitu Kemboja, Laos PDR, Malaysia, Myanmar, Republik Rakyat China (RRC), Singapura, Thailand dan Vietnam.
8. PR-1333-L70070
Tuan Wong Ling Bui [Sarikei] minta **MENTERI KESIHATAN** menyatakan sama ada Hospital Sarikei mempunyai pegawai perubatan mencukupi. Senaraikan jenis doktor-doktor pakar yang terdapat di Hospital Sarikei .
9. PR-1333-L71215
Dato' Hasbullah bin Osman [Gerik] minta **MENTERI PEMBANGUNAN WANITA, KELUARGA DAN MASYARAKAT** menyatakan :-
 - (a) berapakah jumlah terkini orang kurang upaya (OKU) yang mendaftar dengan Jabatan Khidmat Masyarakat mengikut jenis kelainan upaya; dan
 - (b) apakah usaha yang telah dilakukan oleh Kementerian dalam membantu golongan ini untuk mendapat pekerjaan di dalam sektor awam mahupun swasta.

10. PR-1333-L70207
Dato' Ngeh Koo Ham [Beruas] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan kenapa harga runcit gula dan beras di Malaysia tidak turun mengikut harga pasaran dunia.
11. PR-1333-L70577
Dato' Ahmad Fauzi bin Zahari [Setiawangsa] minta **MENTERI KEMAJUAN LUAR BANDAR DAN WILAYAH** menyatakan apakah kejayaan yang diperoleh hasil daripada Karnival Usahawan Desa (KUD) yang menjadi acara dwi-tahunan Kementerian sejak 2013. Adakah KUD berjaya membantu meluaskan pasaran produk usahawan desa sehingga ke peringkat antarabangsa.
12. PR-1333-L70176
Dato' Dr. Nik Mazlan bin Nik Mohamad [Pasir Puteh] minta **MENTERI TENAGA, TEKNOLOGI HIJAU DAN AIR** menyatakan kedudukan perancangan pembinaan Empangan Lebair dan Nenggiri. Apakah Kerajaan telah mengkaji secara terperinci kedudukan alam sekitar dan sosio-ekonomi kesan daripada pembinaan empangan tersebut.
13. PR-1333-L69736
Datuk Linda Tsen Thau Lin [Batu Sapi] minta **MENTERI PENDIDIKAN TINGGI** menyatakan langkah-langkah yang akan diambil untuk menyelesaikan masalah pelajar cemerlang tetapi tidak dapat diberi tawaran kursus yang dipilih oleh mereka di universiti tempatan dan implikasi pengaliran pakar ke luar negara (*brain drain*).
14. PR-1333-L70168
Tuan Idris bin Haji Ahmad [Bukit Gantang] minta **MENTERI PERTANIAN DAN INDUSTRI ASAS TANI** menyatakan apakah langkah Kerajaan bagi memastikan supaya tanah sawah dikekalkan untuk jaminan keselamatan makanan memandangkan beras merupakan makanan ruji penduduk negara ini.
15. PR-1333-L71364
Datuk Liang Teck Meng [Simpang Renggam] minta **MENTERI BELIA DAN SUKAN** menyatakan berapakah jumlah daripada peserta Parlimen Belia yang telah berjaya menyumbang kepada komuniti mereka dan berapa banyak cadangan yang telah dikemukakan oleh mereka telah diambil kira untuk dijadikan dasar polisi di negara ini.
16. PR-1333-L71462
Tuan Sim Chee Keong [Bukit Mertajam] minta **PERDANA MENTERI** menyatakan maklumat terkini kadar pengangguran dan kadar guna tenaga tidak penuh (*underemployment*) mengikut kategori umur (termasuk belia), gender, negeri, kaum dan tahap pengajian tertinggi.

17. PR-1333-L71299
Dato' Noraini binti Ahmad [Parit Sulong] minta **MENTERI SUMBER ASLI DAN ALAM SEKITAR** menyatakan apakah langkah yang dilakukan oleh Kementerian untuk mengatasi masalah kelewatan di dalam memproses permohonan kebenaran pindah milik tanah di pejabat-pejabat tanah seluruh Semenanjung Malaysia, supaya ia tidak akan menjejaskan prestasi Malaysia dalam kedudukan Indeks Kemudahan Menjalankan Perniagaan oleh Bank Dunia dan mengurangkan minat pelabur asing untuk melabur di Malaysia.
18. PR-1333-L70364
Tuan Wong Tien Fatt @ Wong Nyuk Foh [Sandakan] minta **MENTERI KERJA RAYA** menyatakan kegunaan peruntukan sebanyak RM500 juta yang ditujukan untuk pembinaan Projek Pan Borneo di Sabah pada tahun 2014. Apakah status pembinaan jalan raya ini dan syarikat yang telah mendapat tawaran tender projek tersebut.
19. PR-1333-L71278
Datuk Wee Jeck Seng [Tanjong Piai] minta **MENTERI PELANCONGAN DAN KEBUDAYAAN** menyatakan apakah program dan promosi yang akan dilancarkan untuk mempromosikan pelancongan dan kebudayaan tempatan kepada pelancong tempatan dan asing.
20. PR-1333-L70918
Puan Kasthuriraani a/p Patto [Batu Kawan] minta **MENTERI PEMBANGUNAN WANITA, KELUARGA DAN MASYARAKAT** menyatakan sekiranya wujud satu mekanisme "*safety net plan*" bagi kaum wanita terutama sekali bagi ibu tunggal dan apakah bantuan yang sedia ada untuk mendaya majukan kaum wanita di Malaysia terutama sekali golongan ibu tunggal.
21. PR-1333-L69847
Dato' Othman bin Aziz [Jerlun] minta **MENTERI KEMAJUAN LUAR BANDAR DAN WILAYAH** menyatakan apakah perancangan yang telah dirancang oleh Kementerian bagi menaik taraf Institusi Pendidikan Giat Mara di negara ini yang menumpukan kepada program teknikal selari dengan keutamaan Kerajaan kepada Pendidikan serta Latihan Teknikal dan Vokasional (TVET).
22. PR-1333-L71525
Puan Hajah Fuziah binti Salleh [Kuantan] minta **MENTERI KEWANGAN** menyatakan :-
- (a) apakah ada polisi Bank Negara yang membenarkan Agensi Pemungut Hutang bertindak bagi pihak Bank atau Institusi Undang-undang; dan
 - (b) apakah ada peraturan atau undang-undang yang mengawal tingkah laku Agensi Pemungut Hutang.

23. PR-1333-L69557
Datuk Raime bin Unggi [Tenom] minta **MENTERI SUMBER ASLI DAN ALAM SEKITAR** menyatakan apakah kemajuan e-Tanah yang dilaksanakan di Malaysia dan apakah cabaran-cabaran yang dihadapi pada masa ini dan akan datang serta apakah faedah e-Tanah yang telah dicapai terutama dalam soal pelupusan, lesen menduduki sementara dan gadaian.
24. PR-1333-L69762
Tuan William Leong Jee Keen [Selayang] minta **MENTERI PERDAGANGAN ANTARABANGSA DAN INDUSTRI** menyatakan status rundingan TPPA dan bila syarat-syarat tersebut akan didedahkan kepada umum untuk Ahli-ahli Parlimen membuat keputusan menerimanya.
25. PR-1333-L70219
Datuk Koh Nai Kwong [Alor Gajah] minta **MENTERI PERDAGANGAN ANTARABANGSA DAN INDUSTRI** menyatakan apakah perkembangan gantian-import perkhidmatan seperti perkhidmatan perkapalan, pelabuhan, pendidikan dan profesional yang diumumkan dalam perutusan khas Perdana Menteri tentang perkembangan ekonomi pada tahun 2015.
26. PR-1333-L71163
Tuan Hee Loy Sian [Petaling Jaya Selatan] minta **MENTERI PENGANGKUTAN** menyatakan :-
- (a) sama ada operasi pencarian pesawat MH370 yang hilang akan beralih tumpuan ke Pulau Reunion memandangkan serpihan bangkai pesawat itu dijumpai di kawasan berdekatan; dan
 - (b) hasil siasatan terkini pesawat MH17 dan mengenal pasti pihak yang bertanggungjawab dalam kecelakaan tersebut.
27. PR-1333-L70941
Dato' Abd. Aziz bin Haji Sheikh Fadzir [Kulim Bandar Baharu] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan jumlah kes yang melibatkan peniaga yang menaikkan harga barang yang telah ditangkap dan keberkesanan langkah Kementerian dalam membasmi kenaikan dan penipuan harga barang kesan daripada pelaksanaan GST dan nyatakan jumlah kes dan laporan yang telah diterima dan diambil tindakan sehingga kini serta kesan kejatuhan nilai ringgit terhadap harga barang dalam negara.
28. PR-1333-L70254
Dr. Tan Seng Giaw [Kepong] minta **MENTERI PELANCONGAN DAN KEBUDAYAAN** menyatakan peruntukan, program promosi dan bilangan pelancong yang datang ke negara ini.
29. PR-1333-L71340
Dato' Sri Hasan bin Malek [Kuala Pilah] minta **PERDANA MENTERI** menyatakan penjelasan berkaitan pendekatan dan tindakan tegas yang perlu diambil bagi menangani isu-isu perkauman yang sedang hebat dimainkan di dalam media sosial akhir-akhir ini. Ini penting bagi memelihara keharmonian masyarakat majmuk di negara ini.

30. PR-1333-L70041
Raja Dato' Kamarul Bahrin Shah [Kuala Terengganu] minta **PERDANA MENTERI** menyatakan pada tahun 2003 dan 2013 apa kah statistik peratusan rakyat Malaysia mengikut keturunan bangsa Melayu, Cina dan India.
31. PR-1333-L69879
Datuk Dr. Makin @ Marcus Mojigoh [Putatan] minta **MENTERI PENGANGKUTAN** menyatakan :-
- (a) keberkesanan penguatkuasaan Undang-Undang Baru Kesalahan Jalan Raya seperti penggunaan tali pinggang keledar, merokok sambil memandu serta penggunaan telefon bimbit ketika memandu. ; dan
 - (b) setakat manakah keberkesanan Sistem AES (*Automated Enforcement System*) dan adakah AES ini akan dipanjangkan ke negeri Sabah dan Sarawak.
32. PR-1333-L71041
Tuan Su Keong Siong [Ipoh Timor] minta **MENTERI PENGANGKUTAN** menyatakan langkah-langkah yang akan dan perlu di ambil oleh Kerajaan Malaysia untuk memperoleh dan/atau kelulusan Ketetapan Persatuan Bangsa-Bangsa Bersatu untuk mewujudkan suatu Tribunal Antarabangsa untuk menyiasat penembakan jatuh pesawat awam MH17 setelah ia diveto oleh Rusia.
33. PR-1333-L71035
Puan Teo Nie Ching [Kulai] minta **MENTERI DALAM NEGERI** menyatakan hasil siasatan dan apa tindakan yang akan diambil terhadap puak-puak yang memijak gambar YAB Pekan dan Ahli UMNO yang membakar patung dengan gambar YB Bagan dan YB Gelang Patah.
34. PR-1333-L70667
Tuan Tony Pua Kiam Wee [Petaling Jaya Utara] minta **MENTERI KEWANGAN** menyatakan sama ada bayaran pembelian tanah Pulau Indah bernilai lebih kurang RM300 juta telah dilunaskan dengan pinjaman 1MDB sebanyak US\$150 juta daripada Bank Exim pada bulan Mac 2014.
35. PR-1333-L69954
Dato' Seri Dr. Wan Azizah binti Wan Ismail [Permatang Pauh] minta **PERDANA MENTERI** menyatakan sejauh mana pematuhan undang-undang dan peraturan kewangan di bawah Peraturan Kewangan Bank Negara berkaitan kemasukan RM2.6 bilion ke dalam akaun peribadi YAB. Dato' Seri Najib Razak dan adakah Kerajaan memantau siapakah penyumbang, apakah tujuannya dan status terkini siasatan SPRM berkaitan dana tersebut.
36. PR-1333-L70817
Tuan Gobind Singh Deo [Puchong] minta **MENTERI KEWANGAN** menyatakan bilakah sistem LRT di Puchong akan disiapkan dan apakah tambang yang akan dikenakan untuk kegunaannya.

37. PR-1333-L70333
Tuan Wong Chen [Kelana Jaya] minta **MENTERI KEWANGAN** menyatakan kenyataan terkini mengenai Projek Loji Tenaga Suria 1MDB dengan DuSable Capital Management LLC di Kedah dan nyatakan syarat-syarat mustahak dalam kontrak tersebut.
38. PR-1333-L71113
Tuan Jeff Ooi Chuan Aun [Jelutong] minta **MENTERI KEWANGAN** menyatakan apa langkah yang sedang diambil untuk memulihkan nilai tukaran mata wang Malaysia yang kian susut berbanding negara-negara perdagangan utama seperti Amerika Syarikat, Singapura dan China meskipun Kerajaan kerap mengatakan *fundamentals* ekonomi Malaysia masih utuh.
39. PR-1333-L71468
Tuan Fong Kui Lun [Bukit Bintang] minta **PERDANA MENTERI** menyatakan apakah sebab siasatan Jawatankuasa Kira-kira Wang Negara ke atas akaun 1MDB dihentikan selepas Pengerusi dan sebahagian Ahli-ahli Jawatankuasanya ditarik bagi menganggotai Kabinet dan bagaimanakah cara Perdana Menteri menguruskan ketidakpuasan hati rakyat tentang wang RM2.6 bilion yang dimasukkan ke dalam akaun peribadinya.
40. PR-1333-L70891
Tuan Loke Siew Fook [Seremban] minta **PERDANA MENTERI** menyatakan pendirian Kerajaan untuk melaksanakan agenda pembaharuan dan reformasi Parlimen dan bilakah cadangan-cadangan yang dibawa oleh Jawatankuasa Dewan dapat dilaksanakan.
41. PR-1333-L70296
Dato' Mohd Ariff Sabri bin Abdul Aziz [Raub] minta **MENTERI KEWANGAN** menyatakan :-
- (a) betul atau tidak, wang sebanyak RM4 bilion dipinjam daripada KWAP untuk membeli lombong arang batu di Mongolia; dan
 - (b) adakah lombong ini wujud dan jika ya, sudahkah ia beroperasi.
42. PR-1333-L70084
Dato' Mansor bin Othman [Nibong Tebal] minta **PERDANA MENTERI** menyatakan status Kemajuan Laporan Audit Negara dan Jawatankuasa Khas yang ditubuhkan Kerajaan bagi tujuan menyiasat kedudukan kewangan syarikat 1MDB yang sarat dengan masalah hutang dan bilakah Kerajaan bercadang membentangkan laporan-laporan tersebut di Parlimen.
43. PR-1333-L70349
Tuan Gooi Hsiao-Leung [Alor Setar] minta **PERDANA MENTERI** menyatakan apakah hasil siasatan Bank Negara ke dalam 1MDB yang telah pun diserahkan kepada Peguam Negara seperti dilaporkan dalam media pada 21.09.2015, dan adakah Perdana Menteri dikaitkan dengan sebarang salah-laku dalam siasatan Bank Negara.

44. PR-1333-L69741
Dato Sri Dr. Muhammad Leo Michael Toyad Abdullah [Mukah] minta **MENTERI PERUSAHAAN PERLADANGAN DAN KOMODITI** menyatakan langkah Kerajaan menghadapi perubahan pasaran dan permintaan kelapa sawit di luar negara.
45. PR-1333-L69505
Dato' Wira Othman bin Abdul [Pendang] minta **MENTERI PERTANIAN DAN INDUSTRI ASAS TANI** menyatakan apakah program-program khusus Kementerian Pertanian untuk meningkatkan pendapatan B40 selaras dengan RMKe- 11 terutama di negeri Kedah.
46. PR-1333-L70634
Datuk Haji Datu Nasrun bin Datu Mansur [Silam] minta **PERDANA MENTERI** menyatakan apakah fungsi dan peranan ICQS Lahad Datu yang sekarang ini diletakkan di POIC tetapi tidak disediakan kemudahan untuk pendaratan penumpang sehingga memberi kesan terhadap pendatang tanpa izin yang mendarat di sepanjang pantai Pantai Timur Sabah khususnya di Silam.
47. PR-1333-L71438
Tuan Tan Kok Wai [Cheras] minta **MENTERI WILAYAH PERSEKUTUAN** menyatakan dengan menyebut perincian setiap lokasi, keluasan, harga jualan dan nama pembeli-pembeli bagi setiap tapak tanah milik DBKL yang dijual kepada pembeli swasta pada tahun 2014 bagi tempoh Januari hingga September tahun 2015.
48. PR-1333-L70406
Puan Teresa Kok Suh Sim [Seputeh] minta **MENTERI DALAM NEGERI** menyatakan sebab Kementerian mengharamkan Perhimpunan Bersih 4 yang mempunyai objektif yang mempromosi demokrasi dan pilihan raya yang bersih, tetapi memberi kelulusan kepada Perhimpunan Kebangkitan Melayu yang berpakaian merah diadakan.
49. PR-1333-L71068
Tuan Teo Kok Seong [Rasah] minta **PERDANA MENTERI** menyatakan :-
- (a) mengapakah Suruhanjaya Pilihan Raya (SPR) masih tidak melantik penolong pendaftar pengundi daripada parti politik walaupun SPR sudah menjalankan kajian melebihi 2 tahun untuk menambah baik mekanisme pendaftaran pengundi baru; dan
 - (b) latar belakang penolong pendaftar pengundi yang masih aktif serta jumlah pengundi baru yang didaftar sejak tahun 2013-2015.
50. PR-1333-L70724
Datuk Noor Ehsanuddin bin Mohd Harun Narrashid [Kota Tinggi] minta **MENTERI KEWANGAN** menyatakan adakah Amanah Raya mempunyai pelan strategik dalam membuat penambahbaikan ke atas pentadbiran harta pusaka.

51. PR-1333-L70529
Tuan Sim Tze Tzin [Bayan Baru] minta **PERDANA MENTERI** menyatakan siapakah yang mendermakan RM2.6 bilion kepada Perdana Menteri. Apakah tujuan dermaan tersebut dan di manakah baki duit sekarang.
52. PR-1333-L70593
Tuan Liew Chin Tong [Kluang] minta **MENTERI PERTAHANAN** menyatakan dengan terperinci tanah pangkalan-pangkalan tentera atau tanah milikan Kementerian Pertahanan yang dicadang untuk ditukarkan kepada kegunaan komersial :-
- (a) senarai nama pangkalan terlibat dan kos penjualan; dan
 - (b) senarai syarikat yang membeli tanah.
53. PR-1333-L70119
Tuan Haji Nasrudin bin Hassan [Temerloh] minta **MENTERI KEWANGAN** menyatakan langkah-langkah pelupusan kepentingan yang telah diambil untuk menstabilkan kewangan 1MDB.
54. PR-1333-L69918
Puan Alice Lau Kiong Yieng [Lanang] minta **MENTERI DALAM NEGERI** menyatakan bagaimanakah aktiviti perjudian mesin kuda yang dikatakan telah dibendung melalui operasi-operasi di seluruh negara kini telah menular semula. Apakah tindakan yang akan terus diambil untuk membanteras aktiviti perjudian mesin kuda memandangkan kegiatan tersebut telah mula menapak untuk berleluasa semula terutama di Sibu.
55. PR-1333-L69803
Dato' Kamarudin bin Jaffar [Tumpat] minta **PERDANA MENTERI** menyatakan jumlah rumah untuk mangsa banjir Kelantan yang telah siap dan apakah punca utama kesemua rumah belum siap hingga sekarang.
56. PR-1333-L70773
Puan Rubiah binti Haji Wang [Kota Samarahan] minta **MENTERI SUMBER ASLI DAN ALAM SEKITAR** menyatakan selain daripada projek tebatan banjir, apakah langkah-langkah khusus yang diambil Kerajaan untuk mengatasi masalah banjir dalam jangka masa panjang.

PADA PERMULAAN URUSAN MESYUARAT
MENGEMUKAKAN RANG UNDANG-UNDANG KERAJAAN
UNTUK BACAAN KALI YANG PERTAMA

1. **Menteri Kewangan**

- * Rang Undang-undang Kewangan 2015.

* Menandakan bahawa Rang Undang-undang ini akan dibawa pada semua peringkat di mesyuarat ini.

ATURAN URUSAN MESYUARAT DAN USUL-USUL

1. (D.R. 31/2015) Rang Undang-undang Perbekalan 2016 - **Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang” (26 Oktober 2015)**

[Menteri Kewangan]

DAN

Usul dibuat oleh YAB Menteri Kewangan dan masalah dicadangkan :-

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari lima puluh dua bilion ringgit (RM52,000,000,000) dibelanjakan daripada Kumpulan Wang Pembangunan bagi tahun 2016, dan bagi tujuan dan butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2016, yang dibentangkan sebagai Kertas Perintah 42 Tahun 2015, adalah diuntukkan di bawah Maksud-maksud yang berkenaan jumlah-jumlah yang bersempena dengan butiran-butiran itu di ruangan enam dan tujuh senarai tersebut.”

Menyambung semula Perbahasan atas masalah (26 Oktober, 2015)

2. (D.R. 28/2015) Rang Undang-undang Perbadanan Insurans Deposit Malaysia (Pindaan) 2015 - **Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang” (22 Oktober 2015)**

[Menteri Kewangan]

3. (D.R. 30/2015) Rang Undang-undang Syarikat 2015 **Bacaan Kali Yang Kedua**
[Menteri Perdagangan Dalam Negeri, Koperasi dan Kepenggunaan]

4. (D.R. 29/2015) Rang Undang-undang Skim Kepentingan 2015. “

**[Menteri Perdagangan Dalam Negeri,
Koperasi dan Kepenggunaan]**
5. (D.R. 9/2015) Rang Undang-undang Kanun Tatacara Jenayah (Pindaan) 2015 “

[Menteri Dalam Negeri]
6. (D.R. 12/2015) Rang Undang-undang Keterangan (Pindaan) 2015 “

[Menteri di Jabatan Perdana Menteri]
7. (D.R. 24/2014) Rang Undang-undang Dadah Berbahaya (Pindaan) (No. 2) 2014 “

[Menteri Kesihatan]

8. PR-1333-U69963

Datuk Dr. Makin @ Marcus Mojigoh [Putatan] akan mencadangkan:-

“Bahawa Dewan ini mengambil maklum bahawa sejak akhir-akhir ini, dan Gerakan Sabah-Sarawak keluar Malaysia (SSKM) kian mendapat perhatian dan sokongan dari sebilangan kecil rakyat dari kedua-dua negeri ini.

Bahawa Dewan ini mengambil maklum bahawa, terdapat rungutan-rungutan di kalangan rakyat negeri Sabah dan Sarawak dalam beberapa isu yang mereka fikirkan bahawa hak mereka, seperti yang dijanjikan dan terkandung dalam Perjanjian Malaysia 1963 telah dicabuli atau tidak ditunaikan. Dan mengambil maklum juga, antara isu utama yang disuarakan dalam rungutan ini adalah banjir pendatang asing ke negeri Sabah dan di tambah buruk pula dengan pemberian status warga Negara kepada mereka ini. Dan mengambil maklum juga bahawa, setiap kali isu 20 perkara (bagi Negeri Sabah) dan 16 perkara (bagi Negeri Sarawak) dalam Perjanjian Malaysia ini disuarakan, terdapat usaha-usaha pihak tertentu untuk mensenyapkan isu ini dan akhirnya rungutan-rungutan ini menjadi satu gerakan ketidakpuasan hati rakyat. Dan mengambil maklum juga bahawa, gerakan ketidakpuasan hati rakyat ini telah sampai satu tahap di mana mereka secara terbuka mengelarkan diri mereka sebagai aktivis Sabah-Sarawak keluar Malaysia atau ringkasnya SSKM. Dalam hal ini, Kerajaan hendaklah memandang serius akan kesan dan implikasi perpaduan rakyat serta ketenteraman negara pada keseluruhannya. Kita maklum bahawa, mengambil tindakan Undang-undang semata-mata untuk menghalang mereka ini bagi menyuarakan rungutan mereka ini tidak akan menyelesaikan isu yang ditimbulkan, malah akan merumitkan keadaan lagi di mana mereka akan semakin mendapat simpati daripada kalangan rakyat yang lainnya sementara Kerajaan pula dianggap sebagai tidak perihatin dan kuku besi.

Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu gerak kerja untuk menangani isu ini secara Holistik termasuklah menjemput dan mendengar rungutan mereka yang menggelarkan diri mereka sebagai SSKM ini."

[Menteri Dalam Negeri]

9. PR-1333-U69964

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, terdapat rungutan-rungutan dikalangan rakyat bahawa sejak akhir-akhir ini, perpaduan, keharmonian, kesejahteraan dan kerjasama antara rakyat negara ini yang terdiri dari berbilang kaum dan agama telah terhakis. Dan mengambil maklum juga, antara isu utama menyebabkan perkara ini berlaku kerana terdapat golongan tertentu yang memainkan isu bangsa dan agama sewenang-wenangnya serta rakyat merasakan tidak ada tindakan tegas yang diambil bagi menangani masalah ini. Dan mengambil maklum juga bahawa, Perhimpunan Bersih 4 dan Perhimpunan Rakyat Bersatu baru-baru ini telah menanamkan bibit kebencian serta syak wasangka antara kaum di negara ini. Dan mengambil maklum juga bahawa, Rukun Negara sebagai tonggak perpaduan, keharmonian, kesejahteraan dan kerjasama antara rakyat negara ini secara tidak langsung tidak lagi dihormati dan dipatuhi. Dalam hal ini, Kerajaan hendaklah memandang serius akan kesan dan implikasi perpaduan rakyat serta ketenteraman negara pada keseluruhannya. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu gerak kerja untuk menangani isu ini secara Holistik termasuklah menjemput dan mendengar rungutan mereka ini. Kerajaan juga hendaklah menguatkuasakan segala peruntukan Undang-undang yang ada bagi menghalang mana-mana demokrasi atau perjumpaan umum yang membangkitkan isu bangsa dan agama, yang boleh menggugat perpaduan, keharmonian, kesejahteraan dan kerjasama antara rakyat negara ini."

[Perdana Menteri]

10. PR-1333-U69965

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, terdapat laporan mengatakan bahawa operasi bot lautan dalam yang beroperasi di negara ini tidak mendatangkan faedah kepada negara ini secara total. Dan mengambil maklum juga, antara isu utama yang disuarakan dalam laporan ini adalah, para pengusaha bot lautan dalam ini menjual minyak diesel bersubsidi kepada bot-bot asing. Dan mengambil maklum bahawa, terdapat juga laporan bahawa tangkapan bot lautan dalam ini dijual kepada nelayan asing yang menawarkan harga yang lebih baik. Dan mengambil maklum juga bahawa, kedua-dua aktiviti yang disebutkan ini telah mendatangkan kerugian yang besar kepada negara ini, sama ada dari segi subsidi diesel mahupun dari segi tangkapan hasil lautan di negara ini dijual ke negara asing.

Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu sistem kawalan yang bersepadu bagi memastikan bahawa semua diesel bersubsidi digunakan dengan niat asal serta tangkapan tersebut hendaklah dipasarkan di negara ini.”

[Menteri Pertanian dan Industri Asas Tani]

11. PR-1333-U69966

Datuk Dr. Makin @ Marcus Mojigoh [Putatan] akan mencadangkan:-

“Bahawa Dewan ini mengambil maklum bahawa, isu 1MDB telah mencemarkan nama baik Kerajaan dan Negara Malaysia pada umumnya. Dan mengambil maklum juga, isu 1MDB telah sedikit sebanyak menghakis kepercayaan pelabur asing kepada Sistem Pelaburan di Negara ini. Dan mengambil maklum juga bahawa, isu 1MDB telah disensasikan melalui media sosial, media elektronik dan media asing dengan sewenang-wenangnya yang menggambarkan bahawa syarikat milik Kerajaan ini hampir muflis dan liabilitinya perlu ditanggung oleh Kerajaan. Dan mengambil maklum juga bahawa, hasil daripada kemuskilan ini, rakyat pada umumnya mempersoalkan cara kerja Kerajaan mentadbir 1MDB sehingga mengalami kerugian yang besar dan terpaksa menanggung liability 1MDB. Maka, bagi menangani masalah ini, Dewan Yang Mulia ini hendaklah mengambil ketetapan bahawa, Kerajaan hendaklah memperjelaskan secara terperinci mengenai model perniagaan 1MDB kepada umum agar satu gambaran yang telus dapat mereka perolehi serta mengembalikan kebolehppercayaan rakyat kepada Kerajaan masa kini.”

[Menteri Kewangan]

12. PR-1333-U70485

Tuan Ng Wei Aik [Tanjong] akan mencadangkan:-

“Bahawa Dewan Rakyat ini mengambil ketetapan untuk mengutuk Perhimpunan Rakyat Bersatu yang diadakan pada 16 September 2015 yang sifatnya berbaur perkauman serta bertujuan mengapi-apikan sentimen perkauman, termasuk menuntut supaya sekolah-sekolah Cina ditutup, menggelar anggota-anggota polis yang bertugas sebagai “barua Cina”, cuba menimbulkan kekecohan di Jalan Petaling serta mempersoalkan keperluan “Little India” diwujudkan dan tindakan-tindakan yang sewajarnya harus diambil terhadap pihak penganjur dan pihak-pihak yang harus bertanggungjawab.”

[Menteri Dalam Negeri]

13. PR-1333-U70272

Tuan M. Kulasegaran [Ipoh Barat] akan mencadangkan:-

“Bahawa Dewan ini mengambil maklum demi kepentingan negara dan masyarakat sejagat pandangan serius terhadap kestabilan ekonomi dan kemajuan negara harus diberi perhatian sepenuhnya. Oleh yang demikian Dewan ini perlu mengambil maklum mengenai perkara ini dan mengarahkan Kerajaan untuk mengatasi masalah ini.”

[Perdana Menteri]

14. PR-1333-U70255

Dr. Tan Seng Giaw [Kepong] akan mencadangkan:-

“Bahawa Menteri Kewangan membincangkan cara-cara yang diambil untuk mempertahankan nilai ringgit.”

[Menteri Kewangan]

15. PR-1333-U70256

Dr. Tan Seng Giaw [Kepong] akan mencadangkan:-

“Bahawa Menteri Sumber Asli dan Alam Sekitar mendebatkan masalah jerebu di rantau in.”

[Menteri Sumber Asli dan Alam Sekitar]

16. PR-1333-U71552

Tuan Fong Kui Lun [Bukit Bintang] akan mencadangkan:-

“Bahawa Kerajaan mempergiatkan usaha untuk menyatu padukan rakyat berbilang kaum di Malaysia yang kelihatan masih lemah dan longgar meskipun negara telah menjadi negara merdeka dan berdaulat sejak 58 tahun lalu supaya mereka boleh hidup dengan aman dan saling memerlukan dan memahami bagi memudahkan mereka membangunkan ekonomi negara secara bersama dan merealisasikan impian Malaysia.”

[Perdana Menteri]

17. PR-1333-U71553

Tuan Fong Kui Lun [Bukit Bintang] akan mencadangkan:-

“Bahawa Kerajaan memulihkan pilihan raya Kerajaan Tempatan seluruh negara supaya urus tadbir Kerajaan menjadi cekap, akauntabiliti dan bersih dengan mengambil langkah pertama untuk membuat kajian serius dan melakukan pungutan suara antara rakyat.”

[Menteri Kesejahteraan Bandar, Perumahan dan Kerajaan Tempatan]

18. PR-1333-U69805

Dato' Kamarudin bin Jaffar [Tumpat] akan mencadangkan:-

“Bahawa Dewan ini memutuskan untuk Malaysia menerima masuk, memberi perlindungan dan akhirnya memberikan taraf kewarganegaraan kepada 1000,000 orang rakyat negara Syria daripada jutaan orang yang sekarang menjadi pelarian di Turki dan Eropah.”

[Perdana Menteri]

19. PR-1333-U69806

Dato' Kamarudin bin Jaffar [Tumpat] akan mencadangkan:-

“Bahawa Dewan ini merakamkan perasaan sedih dan kecewa bahawa perjalanan kerja-kerja Jawatankuasa Kira-kira Wang Negara (PAC) telah tergendala oleh beberapa sebab dan dengan ini memutuskan untuk meminta Tuan Yang di Pertua Dewan Rakyat dengan segera melicinkan semula perjalanan Jawatankuasa itu.”

[Perdana Menteri]

20. PR-1333-U69807

Dato' Kamarudin bin Jaffar [Tumpat] akan mencadangkan:-

“Bahawa Dewan ini amat tidak berpuas hati dengan kemajuan pembinaan rumah-rumah untuk mangsa banjir negeri Kelantan. Oleh itu Dewan ini mendesak Kerajaan Pusat berusaha dengan lebih gigih lagi bersama dengan Kerajaan Negeri Kelantan untuk melipatkali ganda usaha pembinaan rumah-rumah tersebut.”

[Perdana Menteri]

21. PR-1333-U70769

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, hubungan antara kaum mutakhir ini makin meruncing dan jika tidak dibendung akan mencapai tahap amat merbahaya dan akibatnya negara akan hancur seperti yang terjadi di negara-negara lain yang sedang bergolak akibat isu perkauman. Bila rakyat Malaysia berbangsa Dayak, Kadazan, Orang Asal, Cina , Melayu, Jawa, Bugis atau apa suku kaum sekalipun mengkritik dan mempersoalkan hal tatakelola Negara dan kepimpinan Perdana Menteri dan Kabinetnya, rakyat tidak mempersoalkan ras Perdana Menteri. Rakyat mempersoal Perdana Menteri atas kapasiti beliau sebagai Ketua Eksekutif Negara.BERSIH 4.0 menganjurkan demo jalanan kerana mendesak Perdana Menteri memberi jawapan kepada banyak persoalan yang tidak terjawab.

Soal 1MDB, Derma RM 2.6 bilion, Pertukaran Pegawai-pegawai SPRM, Penamatan khidmat Tan Sri Gani Patail sebagai Pendakwa Raya, pembebasan Abdul Razak Baginda yang rapat dengan Perdana Menteri dalam kes pembunuhan Altantuya Shaaribuu yang amat memalukan negara dan banyak lagi isu yang amat-amat mendesak yang tidak dijawab oleh Perdana Menteri secara meyakinkan. Untuk itu Kerajaan mesti membezakan mengkritik Perdana Menteri bukan mengkritik bangsa Perdana Menteri tetapi kerana Perdana Menteri adalah Ketua Eksekutif Negara yang sememangnya boleh dikritik yang dibenarkan oleh sistem pemerintahan yang diamalkan di negara ini.”

[Perdana Menteri]

22. PR-1333-U70770

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, bila UMNO dan NGO yang menyokong UMNO menganjurkan demo jalanan bertemakan Himpunan Maruah Melayu pada 16 September 2015 yang kemarahan disasarkan kepada rakyat kaum Cina, yang dikatakan mendominasi Himpunan BERSIH 4.0 pada 29 dan 30 Ogos 2015, penganjur memilih kaum Cina sebagai fokus serangan. Penganjur membawa posters dan banners tertulis kata-kata provokasi dan perkauman yang amat merbahaya seperti “Ini Tanah Melayu, Cina boleh keluar”. “Bawa parang dan keris. Tetak Cina. Umno perlukan anda”. Sedangkan yang keluar dijalanan pada 29 dan 30 Ogos 2015 rakyat dari berbagai kaum termasuk Melayu dan Bumiputra yang lain. Kaum lain selain Cina juga menyuarakan perasaan tidak puas hati mereka terhadap Perdana Menteri. Di mana yang dikatakan Cina menghina Melayu dan Maruah Melayu dicabar. Kerajaan mesti berjiwa besar. Walaupun Kerajaan Barisan Nasional diterajui oleh UMNO dan Melayu tetapi rakyat negara ini terdiri dari berbagai bangsa yang wajib dilindungi dan dihormati.”

[Perdana Menteri]

23. PR-1333-U70772

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, penyakit Denggi akibat jangkitan nyamuk di Malaysia telah mencapai satu tahap yang merbahaya. Lebih parah kematian akibat penyakit ini sudah diterima sebagai satu yang lumrah dan tidak ada rasa bersalah oleh pemerintah. Kerajaan sepatutnya menubuhkan satu institusi khas bagi melawan wabak ini dengan memberikan peruntukan kewangan yang secukupnya serta membekalkan berbagai pakar bagi menjadikan institusi ini betul-betul memberi tumpukan dan perhatian kepada masalah yang begitu lama tidak dapat diselesaikan. Malaysia mesti memainkan peranan utama dan boleh menjadi juara dalam memerangi penyakit ini bukan sahaja di rantau ini malah di dunia. Kerajaan mesti serius dan komited dalam hal ini.”

[Menteri Kesihatan]

24. PR-1333-U70774

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, Kementerian Belia dan Sukan banyak memberi tumpuan kepada pembangunan sukan tetapi meninggalkan pembangunan belia di belakang. Setiap tahun ribuan anak-anak Malaysia yang keluar dari sekolah dan ramai yang tidak melanjutkan pelajaran ke pengajian tinggi atas berbagai sebab dan alasan. Akibat tidak ada program wajib yang mesti diikuti dan disertai oleh mereka, mereka menjadi satu eset yang amat bernilai yang terbiar dan tidak dimanfaatkan sepenuhnya. Adalah dicadangkan anak-anak ini, didaftarkan dan diwajibkan menyertai Khidmat negara selama dua tahun seperti yang dilakukan dikebanyakkan negara. Semasa dalam program ini, pilih dua atau tiga bidang ilmu yang boleh memberi menafaat berterusan bila mereka tamat program nanti. Sebagai contoh, ilmu motor mekanik dan elektrik. Selepas dua tahun mereka boleh berdikari dan bantuan susulan boleh diusahakan. Untuk memastikan program ini berjaya ianya mesti dilaksanakan sebagai program wajib dan dikembangkan dengan elemen ketenteraan.”

[Menteri Belia dan Sukan]

25. PR-1333-U70776

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, kegiatan merempit oleh anak-anak muda khasnya anak Melayu amat memalukan bangsa dan Kerajaan. Kerajaan seolah-oleh tidak ada jawapan pada permasalahan ini. Mereka yang merempit bukan sahaja membahayakan nyawa mereka juga nyawa orang awam. Adalah dicadangkan pihak polis menggunakan anggota Cawangan Khas bagi meninjau dan kenal pasti ketua kumpulan ini dan menahan mereka atas undang-undang yang sedia ada. Penahanan mereka hendaklah dihebahkan dalam akhbar dan media elektronik. Menahan mereka untuk beberapa malam di lokap dan jika ada bukti yang cukup mendakwa mereka di mahkamah akan menghantar mesej yang jelas bahawa kegiatan mereka amat merbahaya dan amat dibenci oleh masyarakat. Ini mesti dilakukan secara konsisten bukan berkala.”

[Menteri Dalam Negeri]

26. PR-1333-U71195

Tuan Hee Loy Sian [Petaling Jaya Selatan] akan mencadangkan:-

“Bahawa Dewan ini mengemukakan Undi Tidak Percaya terhadap Perdana Menteri Datuk Seri Najib Tun Razak atas alasan penerimaan “Wang Derma” berjumlah RM2.6 billion yang pada mulanya dinafikan, kemudiannya mengugut untuk menyaman akhbar Wall Street Journal dan akhirnya mengakui wang tersebut diperolehi daripada individu yang berasal dari Timur Tengah.

Dengan tidak menjelaskan mengapa “Wang Derma” ini dimasukkan ke akaun peribadi dan bukan atas nama parti, Dewan juga tidak berpuas hati ke atas siasatan skandal 1MDB yang berlaku di mana “Special Task Force” yang sepatutnya menyiasat skandal ini dibubarkan tanpa memberi sebarang alasan sehingga Peguam Negara Tan Sri Abdul Gani Patail ditamatkan perkhidmatan, pegawai SPRM dipindahkan, pihak polis mengganggu siasatan SPRM dan Bank Negara, Public Account Committee (PAC) yang sedang menjalankan siasatan terhadap kes 1MDB tidak berfungsi akibat daripada empat anggota PAC yang terbabit telah dilantik menjadi Menteri atau Timbalan Menteri oleh Perdana Menteri, Pengarah Cawangan Khas (SB) diberhentikan, Timbalan Pengarah Cawangan Khas dipindahkan ke Jabatan Perdana Menteri tanpa diberi tugasan. Disebabkan masalah yang dinyatakan, Perdana Menteri Datuk Seri Najib Tun Razak telah menjejaskan imej Negara di dunia dan menyebabkan pelabur tidak yakin terhadap Kerajaan sekarang sehingga ekonomi menjadi tidak stabil, serta pasaran saham menjunam teruk dan kejatuhan nilai wang ringgit Malaysia berbanding dengan dolar Amerika Syarikat. Maka rakyat Malaysia tidak lagi percaya terhadap Perdana Menteri dan dengan ini Dewan hendaklah mengambil ketetapan untuk mengemukakan Undi Tidak Percaya terhadap Perdana Menteri.”

[Perdana Menteri]

27. PR-1333-U70806

Tuan Manivanan a/l Gowindasamy [Kapar] akan mencadangkan:-

“Bahawa Dewan ini mempertimbangkan cadangan untuk menghalang dan mengharamkan penjualan arak murahan (cheap liquor) secara mudah dan murah yang semakin berleluasa. Gegaja pengambilan arak murahan ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu dketatkan. Masa penjualan arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan. Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama.”

[Menteri Kesejahteraan Bandar, Perumahan dan Kerajaan Tempatan]

28. PR-1333-U70808

Tuan Manivanan a/l Gowindasamy [Kapar] akan mencadangkan:-

“Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan.”

[Menteri Dalam Negeri]

29. PR-1333-U70809

Tuan Manivanan a/l Gowindasamy [Kapar] akan mencadangkan:-

“Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia.”

[Menteri Pendidikan]